



**Jus Canonicvm R.P. Pavli Laymanni, Soc: Jesu Theologi, Et  
Olim In Alma Et Episcopali Academia Dilingana SS.  
Canonum Ordinarii Professoris**

Juris Canonici A. R.P. Paulo Laymanno Societatis Jesu Theologo SS.  
Canonum In Alma, Catholica, Et Episcopali Universitate Dilingana  
Professore Qvondam Ordinario, Prælectionibus Academicis Illustrati

**Laymann, Paul**

**Dilingæ, 1673**

Capitvlvm X. Dilectæ.

---

[urn:nbn:de:hbz:466:1-62587](#)

*de iudicio*: vbi admittitur exceptio, quam electus obiecit, Canonicis se opponentibus, dicens eos in excommunicatione esse constitutos; nam respondeo cum gl. hic, verb. excommunicationem, casus esse diuersos, si enim Canonici ultra agant, ut elecione cassetur, tunc obiici ipsis potest excommunicatione, ut repellatur ab actione; sin autem ipse met electus confirmationem petat, & ideo compareant aliqui pro defensione Ecclesiae, qui ostendere velint esse indignum, non potest illis obiici excommunicatione, aut crimen; si enim in tali casu excommunicato concessum est, ut se opponat pro jure proprio tuendo, vti dixi in e. *Cum inter. hoc tiz.* multo magis pro jure, quod ipsis cum pluribus aliis commune est, ne Prælatum indignum accipere cogatur.

Veruntamen si alii ad sint non criminosi, qui se opponere & inhabilitatem probare velint, haud dubiè præferri debent; dein si excommunicati absoluuntur tunc possint, absolutio iis conferenda, priusquam admittantur; sin autem absolutionem obstinatè petere vel accipere renuant, ideoque in crimine perseverent, tunc in hoc casu validè probabilis est sententia Innoc. III. eos mox repellendos esse, cum non bono Zelo Ecclesiae suæ defendendæ procedere videantur.

### CAPITVLVM IX. Apostolicæ.

#### P A R A P H R A S I S.

Cum Archiepiscopi Pragensis electione celebrata esset, & eam aliqui impedire vellet, duo Canonici Romani se contulerunt, ut electionis causam & Episcopi electi confirmationem promouerent, sed obiectum ipsis fuit, quod sententia suspensionis & amotionis à beneficiis latæ essent in ipsos, tunc replicauerunt Canonici, quod sententia irrita fuerint, & ad hoc probandum per testes & instrumenta se obtulerunt, tunc Gregor. IX. respondit: Ne Pragensis Ecclesiae ordinatio per eiusmodi objectionem seu exceptionem diutius retardetur, se sententias illas relaxare ad cautelam.

#### S V M M A R I V M.

1. *Canonicus suspensus ab officio, & depositus à beneficio, non potest proprio nomine agere pro iuribus Ecclesiae.*
2. *Ordinarius propter utilitatem publicam, etiam non requisitus à parte, absolutionem aut relaxationem sententia ad cautelam, ex alto prius juramento parendi Ecclesia mandatis impetrari potest.*

**N**OTA I. *Canonicus suspensus ab officio & depositus à beneficio, non potest proprio nomine agere pro iuribus Ecclesiae, videlicet ut Episcopus electus confirmetur: ita gloss. hic, verb. contingenter in fin. Cùm enim suspensus ab officio non possit eligere, nec eligi. c. Cum dilectus. 8. de consuetudine. ideoque jure capitulari priuatus sit, & multo magis ille, qui à beneficio Canonicatus depositus, siue eo priuatus est, hinc sequitur, quod suo nomine agere non possit, ut electio confirmetur, cùm eius interesse non censeatur, dixi autem quod nomine proprio siue ut Canonicus agere non possit pro causa electionis; at verò ex mandato Capituli seu ut Procurator eius, agere non prohibetur, cùm à communione fideliuum propter suspensionem, aut priuationem amotus non sit, sicuti Abbas. hic monet. n. 4.*

Nota II. *Ordinarius propter utilitatem publicam, etiam non requisitus à parte, absolutionem aut relaxationem sententia ad cautelam exacto prius juramento patendi Ecclesia mandatis impetrari potest, argum. c. veniens: 28. de testibus: & dixi l. 1. tr. s. p. 1. c. 7. n. 3. solet autem absolutio, vel relaxatio ad cautelam conferri (videlicet ab eo, qui etiam absolute loquendo absoluendi potestatē habet) quoniam dubium & incertum est, utrum censura contracta sit nec ne, ut in casu huius cap. cū Canonici negarent sententias validè latas esse, atque id cognosci statim non poterat, moram autem longam trahere cum Ecclesiæ detrimento, consultum non erat.*

### CAPITVLVM X. Dilectæ.

P A R A P H R A S I S.  
Controversia de decimis & aliis rebus erat  
inter

inter Priorissam & Conventū de Cōfē-  
sia ex parte vna, & Priorem ac Conventū  
de Burcellia ex altera parte, quam Ponti-  
fex Abbatii Benedictino, & aliis quibusdam  
delegārat; cū autem moniales se  
grauari existimarent, ad sedem Apostolici-  
cam appellārunt, & nunc ad pro-  
sequendam appellationem Romam misse-  
runt, nihilominus Iudices post interposi-  
tā appellationem eas excommunicārunt,  
tunc Gregor. IX. causam appellationis ad  
petitionem Monialium commisit Abbatii  
de Angles & Coindicibus, nullā in literis  
factā mentione excommunicationis, quā-  
obrem pars adversa, videlicet Prior, cū  
excepisset de Monialium excommunicatione,  
cuius nulla mentio esset in literis  
Apostolicis, cāmque exceptionem Iudi-  
ces admittere nollent, ad sedem Aposto-  
licā appellāuit, aliōsq; Iudices, videlicet  
Abbatem de Gernemoe cum sociis im-  
petrauit, coram quibus Moniales repli-  
cātunt, quandoquidem sententia excom-  
municationis in ipsas lata fuerit postquā  
appellārunt, & cuilibet etiam excommu-  
nicato defensionis auxilium competere  
debeat, idē rectē Iudices eis in priori  
appellationis causa datos, videlicet  
Abbatem de Angles & socios, quando  
exceptionem Prioris admittere nolu-  
runt. Veruntamen Prior de Gernemoe  
& socij, Monialium hanc defensionem  
& replicationem reiecerunt, atque ideō  
ipsiē denud ad Papam appellārunt, qui sic  
referibit ad Decanum Linconensem,  
mandans ei, si narrata vera sint, vt in sta-  
tutū pristinū restituat, quidquid post  
Monialium appellationem attentatum  
est, & postea in negotio ipso procedat, si-  
cūti anteā Prior de Gernemoe & Coi-  
dicibus eius mandatum erat.

Pro intellectu Capituli adverte. Cum Gloss.  
finali, quōd tribus vicibus Iudices  
delegati fuerint, super causā appellationis  
quamobrem yltimus Iudex, videlicet De-  
canus, si appellationem legitimam esse  
cognonit recillis attentatis, procedere  
debuit in negotio principalī, secundūm

tenorem pr̄scriptum Abbatii de Gerne-  
moe, vt in textu dicitur. Credibile autem  
est eum fuisse tenorem Apostolici rescri-  
pti, qualis communī jure esse solet, vt si  
Moniales legitimē appellāsse appareat,  
procedat in negotio principalitatem defi-  
niendo, sin autem illegitimē; ijs in expē-  
fas condemnatis causam remittat ad Iu-  
dicem à quo videlicet Abbatem de An-  
gles, qui & ipse causam decidere debe-  
ret, si legitimē à Monialibus appellatum  
cognosceret, sin autem illegitimē, con-  
demnatis Monialibus in expēfas, causam  
principalem ad primū Iudicem à quo vi-  
delicet Abbatem Benedictinū remitteret.  
Ita habetur in c. VI dicitus 59. de appell.

S V M M A R I V M.

1. Appellans non obstante excommunicatione,  
quomodo prosequi possit appellationem.
2. Appellatione pendente nihil debet innovari,  
aliās attentata revocari debent.
3. Quando attentatio revocatorum locum ha-  
beat erga judicem, quando erga partem.

**N**ot. I. Appellans non obstante excom-  
municatione appellationem prosequi  
potest, quod duobus modis intelligi potest.  
1. Quōd, qui à Iudice per sententiam excom-  
municatur, ab ea appellare possit, & appel-  
lationem prosequi iuxta cap. vlt. hoc tit. c. 1. de  
rescript. in 6. 2. Si quis appellauerit à Iu-  
diciali grāamine, Index autem posthabitā  
appellatione, nihilominus processerit ad ex-  
communicationem, quod ea nihil obstante  
appellans appellationem prosequi, & in ju-  
dicio contendere possit, imò verò talis ex-  
communicatio, quā post interpositam ap-  
pellationem lata fuit, pro irrita haberet, ideo-  
que eius nulla ratio haberi debeat, sicuti hūc  
Alexand. de Neno tradit n. 40.

Not. II. Appellatione pendente nil de-  
bet innovari, seu de nouo attentari, alioquin  
attentata revocari debent cap. Non solum. 7.  
de appell. in 6.

Controversia hīc est inter Innoc. & Ho-  
stiens. Vtrū revocatio attentatorū habeat  
locum erga Judicem, an etiam erga partem  
prius Innoc. vult, posterius Hostiens. sed re-  
spondet distingendum esse inter appel-  
latio-

g g g 3

lationem extra Iudicialem & judicialem; illa erga quemvis etiam non Iudicem tendere potest, & consequenter eā pendēte nil mutari debet à parte, contra quam facta est, v.g. cōtra Canonicos, ne in electione procedant, iuxta c. Bona, 23. de electione. Hęc autem proprię ac directę tendit contra Iudicem, vt is nihil interea mutare debeat; indirectę vero respicit partem, vt nihil agat, quo status cause immutetur, iuxta cap. Cūm teneatur, 17. de appell. ex quo habetur, quod per remedium attentati revocandi adiri possit Iudex, à quo appellatum est, quia sicuti ipse pendente appellatione nil immutare debet, ita etiā prohibere & revocare, si quid ab altero immutetur, aut attentetur, imò hoc ipso, quod Iudex à quo appellationi defert, tacitè prohibere censetur parti, ne quid innover, aut attentet, v. g. occupando rem sibi per sententiam adjudicatam, à qua appellatū est, sicuti Baldus notat in l. 3. n. 5. C. de appellat.

## CAPITVLVM XI. Significauerunt.

### PARAPHRASIS.

Canonici Tornacenses P. Clericū elegerunt in Archipresbyterum, sed Mediolanensis Archiepiscopus eum confirmare noluit, prætendens sibi jus eligendi competere, atque re ipsa Zephum Clericum instituit, capropter Canonici ad sedem Apostolicam appellantes, impetrarunt causam committi Præposito S. Stephani. Is pronuntians jus eligendi ad Capitulum pertinere, electionem de P. factam confirmauit, at verò partem adversariam videlicet Archiepiscopum & Zephum à petitione Capituli absoluit; tunc partes à sententia ista Præpositi appellarunt ad sedem Apostolicam, & causam Abbatii Papiensi atque Præposito Vercellensi committi impetrarunt, corā quibus ex parte Archiepiscopi & Zephi contra Capitulum excommunicationis exceptio obiecta est. Tunc Iudices isti non considerantes quod prætextu exceptionis oppositæ aliquis à prosecutione appellationis repelli nō debeat, cūm omnis legitima defensio in judicio excomu-

nicatis reseruata sit ) decreuerunt Archipiscopum & Zephū ad respondendū non esse cogendos, ab hac verò sententia cūm Canonici ad Greg. IX. appellāssent, ipse mandat eisdē Iudicibus, vt nō obstate exceptione in negotio ipso procedant.

### SUMMARIUM.

1. Episcopo, ad quem confirmatio electi Prelati spectat, nolente eum confirmare, vel pro trahente, Capitulum grauatum per viam appellationis aut querela, ad superiorem recurrere potest. Et quod tum huius officium.
2. Sententia Iudicis plures articulos continere potest, in quorum uno pars accusata condemetur, in altero absolvatur.
3. Victor in principali negotio appellare potest ratione expensarum sibi negatarum, ad quod tamen opus est, ut eas petuerit.
4. Si judex ad expensas petitus non condemet, tenetur pro ijs, de suo satisfacere.
5. Communi jure receptum est, vt pars victa non condemetur ad expensas, si ratione probabilita dicta in judicio contendit.
6. Censetur expensa petitæ, si in libello petitum, ut omni meliore modo iustitia admisfretur.

**N**otandum I. Si Episcopus, ad quem confirmationis Prelati electi spectat, eam neget, aut pro trahat, censetur Capitulum, aut Conventus grauari, vt per viam appellationis, aut querelę ad superiorē recurrere possit, is verò de controuersia cognoscet, si aliqua sit inter Episcopum & Conventum de jure electionis, vt in casu huius Capituli. Sin autem Episcopus Conventui non neget jus electionis, tunc illi tempus definietur intra quod electum, premisso examine, confirmare debeat, sicuti docet Abb. in 6. 2. n. 13. de confess. prabenda.

Not. II. Sententia Iudicis plures articulos continere potest, in quorum uno pars v.g. accusata condemetur, in altera verò absoluatur; fortassis enim inquit, Gloss. c. insuper. petebat partem adversam ad expensas litis condemnari, ab eaque petitione repulsam tulit, ex qua doctrina habetur, quod utraque pars appellare possit à sententia, quantum